



UNIVERSITÄTS-
BIBLIOTHEK
PADERBORN

Universitätsbibliothek Paderborn

Apotheca Spiritvalivm Pharmacorvm Contra Lvem Contagiosam Aliosqve Morbos

Wichmans, Augustin

Antverpiae, 1626

Cap. XXXV. De S. Martiali Lemouicensi Episcopo.

urn:nbn:de:hbz:466:1-9653

CAP. XXXV.

De sancto Martiali Lemouicensi Episcopo.

Superiori capite luem pestilentialem per reliquias S. Remachi propulsatam diuinitus audiuius: nunc quomodo ab eadem Lemouicenses, per sacra ossa sancti Martialis sint liberati, audiamus. Martialis (non ille ex Bilbili Hispaniæ oppido jucundissimus & lepidissimus poëta) vnus è discipulis sancti Petri Apostoli, quocum ex Oriente Romam venerat, & ab eodem in Galias ad prædicandum Euangelium Christi amandatus, Lemouicenses, Burdegalenses, Tolofanos, Cadurcenses aliosque qui à Rhodano in Oceanum vergunt populos ad fidem perduxit perductosque in pietate Christiana instruxit. Tandem dierum plenus magistrum suum ex humanis ad coelestia subsecutus est anno septuagesimo quinto, corpus apud Lemouicenses terræ mandatum fuit. Porro quod ad rem nostram attinet, author historiæ Aquitaniæ meminit cuiusdam elevationis sacri eius corporis sub Præsule Lemouicensium Alduino (diuersæ tamen & multò antiquioris, quàm ea quæ contigit anno 1029.) factamque eam refert ad propulsandam luem grassantem, ac mirabilem effectum esse subsecutum scribit his verbis. His diebus (annum non reperiò) lues grauißima Lemouicinos deuorauit, incendens corpora, & exardescendo deuorans donec omnes Aquitaniæ Episcopi Lemouicæ congregati corpus B. Martialis ab i-
mo

Vide Ba.
ron. an.
75. & an.
1029.

gentilitas coluerat simulacris. Galliarum meritò dicens Apostolus, utpotè qui multis annis ante Dionysium Areopagitam, illas pro parte ad Christum conuertit. Hic enim priùs post annum 98. in Gallias à Clemente directus fuit ut nobilissimæ jam coalescenti Gallicanæ Ecclesiæ pastoribus destitutæ, insignis toto vir orbe succurreret, cùm jam Martialis ante 22. annos dudum obisset.

C A P. XXXVI.

De S. Bennone Episcopo Misnensi.

Magnus Schismaticorum oppugnator & indefessus etiam post mortem suam Apostolicæ Sedis propugnator S. Benno Misnensis Episcopus, non ignobilem in hoc magnorum sacerdotum choro locum exigit; peste enim Ecclesiæ hostes ipse percussit: peste etiam deuotè eidem subiectos filios liberauit. Natus hic est in clyta Saxonie ciuitate Hildesheim, olim Bennopolis nuncupata à Bennone quodam, ut ajunt, conditore Phrygio, parentibus insigni nobilitate & eximia pietate spectatis. In Francia S. T. Doctor iuuenis admodum renuntiatur, religiosum habitum in Monasterio S. Michaelis suscipit, ac pauco post tempore eiusdem Abbas eligitur. At vir Dei contemplatiuam magis vitam desiderans, cùm tribus tantùm mensibus in præfectura stetisset eandem vtrò resignat. Sed incidit in Scyllam cupiens vitare Charybdim. nam Deo vocante, licet inuitus, ad Episcopatum Misnensem postea compellitur suscipiendum. in quo munere omnes partes veri Episcopi adimpleuit.

In.

Hieron.
Emser. in
vita.